



周禮白文

五

口 12
2920
5



12
2920
3

周禮白文目錄

秋官

大司寇 小司寇 士師 鄉士 遂士

縣士 方士 訝士 朝士 司民

司刑 司刺 司約 司盟 職金

司厲 大司圜 掌囚 掌戮

司隸 罪隸 蠻隸 閩隸 夷隸

貉隸 布憲 禁殺戮 禁暴氏

野廬氏 蜡氏 雍氏 萍氏 司寤氏



去五味均平藏



司烜氏 條狼氏 脩閭氏 真氏
 庶氏 亢氏 翬氏 柝氏 薙氏
 碧蒺氏 罪翦氏 赤友氏 蠲氏
 壺涿氏 庭氏 銜枚氏 伊耆氏
 大行人 小行人 司儀 行夫 環人
 象胥 掌客 掌訝 掌交 掌察
 掌貨賄 朝大夫 都則 都士 家士



周禮

秋官

司寇

惟王建國 辨方正位 體國經野 設官分職
 以為民極 乃立秋官司寇 使帥其屬而掌
 邦禁 以佐王刑 邦國
 大司寇之職 掌建邦之三典 以佐王刑 邦
 國 詰四方 一曰刑新國 用輕典 二曰刑平
 國 用中典 三曰刑亂國 用重典 以五刑糾

萬民一曰野刑上功糾力二曰軍刑上命
糾守三日鄉刑上德糾孝四曰官刑上能
糾職五日國刑上憲糾暴以圜土聚教罷
民凡害人者寘之闔土而施職事焉以明
刑耻之其能改者及于中國不齒三年其
不能改而出圜土者殺以兩造禁民訟入
束失於朝然後聽之以兩劑禁民獄入鈞
金三日乃致於朝然後聽之

以嘉右平羅民凡萬民之有罪過而未麗
於法而害於外里者桎梏而坐諸嘉右役
諸司空重罪旬有三日坐暮役其次九日
坐九月役其次七日坐七月役其次五日
坐五月役其次三日坐三月役使列里
任之則宥而舍之以肺石達窮民凡遠近
惇獨老幼之欲有復于上而其長弗達者
立於肺石三日士聽其辭以告于上而罪

其長

正月之吉始和布刑于邦國都鄙乃縣刑
象之法于象魏使萬民觀刑象挾日而歛
之凡邦之大盟約涖其盟書而登之于天
府大史內史司會及六官皆受其貳而藏
之凡諸侯之獄訟以邦典定之凡卿大夫
之獄訟以邦法斷之凡庶民之獄訟以邦
成獎之

大祭祀奉大牲若禋祀五帝則戒之日涖
誓百官戒于百族及納亨前王祭之日亦
如之奉其明水火凡朝覲會同前王大喪
亦如之大軍旅涖戮于社凡邦之大事使
其屬蹕
小司寇之職掌外朝之政以致萬民而詢
焉一曰詢國危二曰詢國遷三曰詢立君
其位王南鄉三公及列長百姓北面羣臣

西向羣吏東面小司寇擯以叙進而問焉
以衆輔志而弊謀以五刑聽萬民之獄訟
附于刑用情訊之至于旬乃弊之讀書則
用法九命夫命婦不躬坐獄訟九玉之同
族有罪不昂而
以五聲聽獄訟求民情一曰辭聽二曰色
聽三曰氣聽四曰耳聽五曰目聽以八辟
麗邦法附刑罰一曰議親之辟二曰議故

之辟三曰議賢之辟四曰議能之辟五曰
議功之辟六曰議貴之辟七曰議勤之辟
八曰議賢之辟以三刺斷庶民獄訟之中
一曰訊羣臣二曰訊羣吏三曰訊萬民聽
民之所刺宥以施上服下服之刑
及大比登民數自生齒以上登于天府內
史司會冢宰貳之以制國用小祭祀奉太
牲九裡祀五帝實鑊水納亨亦如之太賓

客前王而辟后世子之喪亦如之小師涖
戮九國之大事使其屬蹕孟冬祀司民獻
民數於王王拜受之以圖國用而進退之
歲終則令羣士計獄弊訟登中于天府正
歲帥其屬而觀刑象令以木鐸曰不用法
者國有常刑令羣士乃宣布于四方憲刑
禁乃命其屬入會乃致事
士師之職掌國之五禁之法以左右刑罰

一曰宮禁二曰官禁三曰國禁四曰野禁
五曰軍禁皆以木鐸徇之于朝書而縣于
門閭以五戒先後刑罰毋使罪麗于民一
曰誓用之于軍旅二曰誥用之于會同三
曰禁用諸田役四曰糾用諸國中五曰憲
用諸都鄙
掌鄉合州黨族閭比之聯與其民人之什
伍使之相安相受以比追胥之事以施刑

罰慶賞掌宮中之政令察獄訟之辭以詔
 司寇斷獄弊訟致邦令
 掌士之八成一曰邦約二曰邦賊三曰邦
 謀四曰犯邦令五曰擄邦令六曰為邦盜
 七曰為邦朋八曰為邦譖
 若國凶荒則以荒辨之法治之令移民通
 財糾守緩刑凡以財獄訟者正之以傳別
 約劑若祭勝國之社稷則為之尸王燕出

入則前驅而辟祀五帝則沃尸及王盥
 饋水凡剋珥則奉犬牲諸侯為賓則帥其
 屬而蹕于王宮大喪亦如之大師帥其屬
 而禁逆軍旅者與犯師禁者而戮之歲終
 則令正要會正歲帥其屬而憲禁令于國
 及郊野
 鄉士掌國中各掌其鄉之民數而糾戒之
 聽其獄訟察其辭辨其獄訟異其死刑之

罪而要之旬而職聽于朝司寇聽之斷其
獄弊其訟于朝羣士司刑皆在各麗其法
以議獄訟獄訟成士師受中協日刑殺肆
之三日若欲免之則王會其期大祭祀大
喪紀大軍旅大賓各則各掌其鄉之禁令
帥其屬夾道而蹕三公若有邦事則為之
前驅而辟其喪亦如之凡國有大事則戮
其犯命者

遂士掌四郊各掌其遂之民數而糾其戒
令聽其獄訟察其辭辨其獄訟異其死刑
之罪而要之二旬而職聽于朝司寇聽之
斷其獄弊其訟于朝羣士司刑皆在各麗
其法以議獄訟獄訟成士師受中協日就
郊而刑殺各於其遂肆之三日若欲免之
則王會三公會其期若邦有大事聚衆庶
則各掌其遂之禁令帥其屬而蹕六卿若

有邦事則為之シカ前驅而辟其喪亦如之シカ凡
 郊有大事則戮其犯命者シカ
 縣士掌野各掌其縣之民數糾其戒令而
 聽其獄訟察其辭辨其獄訟異其死刑之
 罪而要之シカ三旬而職聽于朝司寇聽之斷
 其獄弊其訟于朝羣士司刑皆在各麗其
 法以議獄訟獄訟成士師受中協日刑殺
 各就其縣肆之三日若欲免之則王命不

卿會其期若邦有大役聚衆庶則各宣其
 縣之禁令若大夫有邦事則為之前驅而
 辟其喪亦如之シカ凡野有大事則戮其犯命
 者シカ
 方士掌都家聽其獄訟之辭辨其死刑之
 罪而要之シカ三月而上獄訟于國司寇聽其
 成于朝羣士司刑皆在各麗其法以議獄
 訟獄訟成士師受中書其刑殺之成與其

聽其獄訟者凡都家之大事聚衆庶則各
 掌其方之禁令以時修其縣法若歲終則
 省之而誅賞焉凡都家之士所上治則主
 之
 誅士掌四方之獄訟論罪刑于邦國凡四
 方之有治於士者造焉四方有亂獄則姓
 而成之邦有賓客則與行人送逆之入於
 國則為之前驅而辟野亦如之居館則帥

其屬而為之蹕誅戮暴客者客出入則道
 之有治則贊之凡邦之大事聚衆庶則讀
 其誓禁

朝士掌建邦外朝之法左九棘孤卿大夫
 位焉羣士在其後右九棘公侯伯子男位
 焉羣吏在其後面三槐三公位焉州長衆
 庶在其後左嘉右平罷民焉右肺右達窮
 民焉帥其屬而以鞭呼趨且辟禁慢朝錯

立族談者凡得獲貨賄人民六畜者委于
 朝告于士旬而舉之大者公之小者庶民
 私之
 凡士之治有期自國中一旬郊二旬野三
 旬都三月邦國暮期內之治聽期外不聽
 凡有責者有判書以治則聽凡民同貨賂
 者令以國法行之犯令者刑罰之凡屬責
 者以其地傳而聽其辭凡盜賊軍鄉邑及

家人殺之無罪凡報仇讐者書於士殺之
 無罪若邦凶荒札喪寇戎之故則令邦國
 都家縣鄙慮刑貶
 司民掌登萬民之數自生齒以上皆書於
 牒辨其國中與都鄙及其郊野異其男女
 歲登下其死生及三年大比以萬民之數
 詔司寇司寇及孟冬祀司民之日獻其數
 于王王拜受之登于天府內史司會冢宰

貳之以贊王治

司刑掌五刑之法以麗萬民之罪墨罪五百劓罪五百宮罪五百剕罪五百殺罪五百若司寇斷獄弊訟則以五刑之法往詔刑罰而以辨罪之輕重
司刺掌三刺三宥三赦之法以贊司寇聽獄訟壹刺曰訊羣臣再刺曰訊羣吏三刺曰訊萬民壹宥曰不識再宥曰過失三宥

曰遺忘壹赦曰幼弱再赦曰老耄三赦曰蠢愚以此三法者未民情斷民中而施上服下服之罪然後刑殺

司約掌邦國及萬民之約劑治神之約為上治民之約次之治地之約次之治功之約次之治器之約次之治摯之約次之九大約劑書於宗彝小約劑書於丹圖若有訟者則珥而辟藏其不信者服墨刑若大

亂則六官辟藏其不信者殺

司盟掌盟載之法凡邦國有疑會同則掌

其盟約之載及其禮儀北面詔明神既盟

則貳之盟萬民之犯命者詛其不信者亦

如之凡民之有約劑者其貳在司盟有獄

訟則使之盟詛凡盟詛各以其地域之衆

庶共其牲而致焉既盟則為司盟共祈酒

脯

職金掌凡金玉錫石丹青之戒令受其个

征者辨其物之媿惠與其數量揭而璽之

入其金錫于為兵器之府入其玉石丹青

于守藏之府入其要掌受士之金罰貨罰

入于司兵旅于上帝則共其金牧饗諸侯

亦如之凡國有大故而用金石則掌其令

司屬掌盜賊之任器貨賄辨其物皆有數

量賈而揭之入于司兵其奴男子入于罪

隸女子入于春臺凡有爵者與七十者與
未亂者皆不為奴
大人掌大牲凡祭祀共天牲用牲物休養
亦如之凡幾珥沈辜用駝可也凡相天辜
大者屬焉掌其政治
司圜掌收教羅民凡害人者弗使冠飾而
加明刑焉任之以事而收教之能改者上
罪三年而舍中罪二年而舍下罪一年而

舍其不能改而出圜土者殺雖出三年不
送凡圜土之刑人也不虧體其罰入也不
虧財
掌囚掌守盜賊凡囚者上罪桎梏而桎中
罪桎梏下罪桎王之同族奉有爵者桎以
待弊罪及刑殺告刑于王奉而適朝士加
明桎以適市而刑殺之凡有爵者與王之
同族奉而適甸師氏以待刑殺

掌戮掌斬殺賊謀而搏之凡殺其親者焚
之殺王親者辜之凡殺久者踏諸市肆之
三日刑盜于市凡罪之麗於法者亦如之
唯王之同族與有爵者殺之於甸師氏凡
軍旅田役斬殺刑戮亦如之墨者使守門
劓者使守關官者使守內刑者使守圜髡
者使守積
司隸掌五隸之法辨其物而掌其政令帥

其民而搏盜賊役國中之辱事為百官積
任器凡囚執人之事邦國有祭祀賓客喪
紀之事則役煩辱之事掌帥四翟之隸使
之皆服其邦之服執其邦之兵守王宮與
野舍之屬禁
罪隸掌役百官有與凡有守者掌使令之
小事凡封國若家牛助為牽犊其守王官
與其屬禁者如蠻隸之事

蠻隸掌役校人養馬其在王官者執其國
之兵以守王官在野外則守屬禁
閩隸掌役畜養鳥而阜蕃教擾之掌牛則
取隸焉
夷隸掌役牧人養牛馬與鳥言其守王官
者與其守屬禁者如蠻隸之事
貉隸掌役服木氏而養獸而教擾之掌與
獸言其守王官者與守屬禁者如蠻隸之

事
布憲掌憲邦之刑禁正月之吉執旌節以
宣布于四方而憲邦之刑禁以詰四方邦
國及其都鄙達四海九國之大事合衆庶
則以刑禁號令
禁殺戮掌司斬殺戮者凡傷人見血而不
以告者攘獄者過訟者以告而誅之
禁暴氏掌禁庶民之亂暴力正者擣誣犯

禁者作言語而不信者以告而誅之凡國
聚衆庶則戮其犯禁者以徇凡奚隸聚而
出入者則司牧之戮其犯禁者
野廬氏掌達國道路至於四畿比國郊及
野之道路宿身井樹若有賓客則令守涂
地之人聚擯之有相翔者誅之凡道路之
舟車擊互者叙而行之凡有節者及有爵
者至則為之辟禁野之橫行者徑踰者凡

國之大事比修除道路者掌凡道禁邦之
大師則令掃道路且以幾禁行作不時者
不物者
蜡氏掌除融凡國之入祭祀令州里除不
蠲禁刑者任人及凶服者以及郊野大師
大賓客亦如之若有死於道路者則令埋
而置楬焉書其日月焉縣其衣服任器于
有地之官以待其人掌凡國之嚴禁

雍氏掌溝瀆滄池之禁九害於國稼者春
令為阱獲溝瀆之利於民者秋令塞阱杜
獲禁山之為苑澤之沈者
萍氏掌國之水禁幾酒誼酒禁川游者
司寤氏掌夜時以星分夜以詔夜士夜禁
禦晨行者禁夜行者夜游者
司烜氏掌以夫遂取明火於日以鑿取明
水於月以共祭祀之明盥明燭共明水九

邦之大事共墳燭庭燎中春以木鐸修火
禁于國中軍旅修火禁邦若屋誅則為明
竈焉
條狼氏掌執鞭以趨辟王出入則八人夾
道公則六人侯伯則四人子男則二人九
誓執鞭以趨於前且命之誓僕右曰殺誓
又曰車輶誓大夫曰敢不關鞭五百誓師
曰三百誓邦之大史曰殺誓小史曰墨

修閭氏掌比國中宿互擯者與其國粥而
 比其追齋者而賞罰之禁徑踰者與以兵
 革趨行者與馳騁於國中者邦有故則令
 守其閭互唯執節者不幾
 真氏掌設弧張為阱擯以攻猛獸以靈鼓
 毆之若得其獸則獻其皮革齒須備
 唐氏掌除毒蠱以攻說禴之嘉州攻之凡
 毆蠱則令之比之

亢氏掌攻蟄獸各以其物火之以時獻其
 珍異皮革
 翼氏掌攻猛鳥各以其物為媒而擯之以
 時獻其羽翮
 柞氏掌攻草木及林麓夏日至令刊陽木
 而火之冬日至今剥陰木而水之若欲其
 化也則春秋變其水火九攻木者掌其政
 令

雉氏掌殺草春始生而萌之夏日至而夷
之秋繩而芟之冬日至而耜之若欲其化
也則以水火變之掌九殺草之政令
若菴氏掌覆天鳥之巢以方書十日之號
十有二辰之號十有二月之號十有二歲
之號二十有八星之號縣其巢上則去之
翦氏掌除蠹物以攻祭攻之以莽草薰之
凡庶蠹之事

赤友氏掌除牆屋以蜃炭攻之以灰酒毒
之凡隙屋除其狸蟲
蝮氏掌去鼃鼃焚牡鞠以灰洒之則死以
其煙被之則凡水蟲無聲
壺涿氏掌除水蟲以炮土之鼓毆之以焚
石投之若欲殺其神則以牡槀午貫象齒
而沈之則其神死淵為陵
庭氏掌射國中之妖鳥若不見其鳥獸則

以救日之弓與救月之矢夜射之若神也
則以大陰之弓與枉矢射之
銜救氏掌司囂國之大祭祀令禁無囂軍
旅田役令銜救禁詔呼歎鳴於國中者行
歌哭於國中之道者
伊耆氏掌國之大祭祀共其杖威軍旅授
有爵者杖共王之齒杖
大行人掌大賓之禮及大客之儀以親諸

侯春朝諸侯而圖天下之事秋覲以此邦
國之功夏宗以陳天下之謨冬遇以協諸
侯之慮時會以發四方之禁殷同以施天
下之政時聘以結諸侯之好殷類以除邦
國之慝間問以諭諸侯之志歸服以交諸
侯之福賀慶以贊諸侯之喜致禴以補諸
侯之裁
以九儀辨諸侯之命等諸臣之爵以同邦

國之禮而待其賓客上公之禮執桓圭九寸繅藉九寸冕服九章建常九旒樊纓九就貳車九乘介九人禮九年其朝位賓主之間九十步立當車軼擯者五人廟中將幣三享王禮再裸而酢饗禮九獻食禮九舉出入五積三問三勞諸侯之禮執信圭七寸繅藉七寸冕服七章建常七旒樊纓七就貳車七乘介七人禮七年朝位賓主

之間七十步立當前疾擯者四人廟中將幣三享王禮壹裸而酢饗禮七獻食禮七舉出入四積再問再勞諸伯執躬圭其他皆如諸侯之禮諸子執穀璧五寸繅藉五寸冕服五章建常五旒樊纓五就貳車五乘介五人禮五年朝位賓主之間五十步立當車衡擯者三人廟中將幣三享王禮壹裸不酢饗禮五獻食禮五舉出入三積

禮
壹問壹勞諸男執蒲璧其他皆如諸子之
凡大國之孤執皮帛以繼小國之君出入
三積不問壹勞朝位當車前不交擯廟中
無相以酒禮之其他皆眠小國之君凡諸
侯之卿其禮各下其君二等以下及其大
夫士亦如之
邦畿方千里其外方五百里謂之侯
邦畿方千里其外方五百里謂之侯
邦畿方千里其外方五百里謂之侯
邦畿方千里其外方五百里謂之侯

一見其貢祀物又其外方五百里謂之甸
服二歲一見其貢嬪物又其外方五百里
謂之男服三歲一見其貢器物又其外方
五百里謂之采服四歲一見其貢服物又
其外方五百里謂之衛服五歲一見其貢
材物又其外方五百里謂之要服六歲一
見其貢貨物九外之外謂之蕃國世一見
各以其所貴寶為贄

王之所以撫邦國諸侯者歲徧存三歲徧
類五歲徧省七歲屬象胥諭言語協辭命
九歲屬瞽史諭書名聽聲音十有一歲達
瑞節同度量成牢禮同數器脩法則十有
二歲王巡守殷國
凡諸侯之王事辨其位正其等協其禮賓
而見之若有大喪則詔相諸侯之禮若有
四方之大事則受其幣聽其辭凡諸侯之

邦交歲相問也殷相聘也世相朝也
小行人掌邦國賓客之禮籍以待四方之
使者令諸侯春入貢秋獻功王親受之各
以其國之籍禮之凡諸侯入王則逆勞于
畿及郊勞于館將幣為承而擯
凡四方之使者大客則擯小客則受其幣
而聽其辭使適四方協九儀賓客之禮朝
覲宗遇會同君之禮也存類省聘問臣之

禮也達天下之六節山國用虎節土國用
人節澤國用龍節皆以金為之道路用旌
節門關用符節都鄙用管節皆以竹為之
成六瑞王用鎮圭公用桓圭侯用信圭伯
用躬圭子用穀璧男用蒲璧合六幣圭以
馬璋以皮璧以帛琮以錦琥以繡璜以黼
此六物者以和諸侯之好故
若國札喪則令賻補之若國凶荒則令賜

委之若國師役則令犒禴之若國有福事
則令慶賀之若國有禘祫則令哀弔之凡
此五物者治其事故及其萬民之利害為
一書其禮俗政事教治刑禁之逆順為一
書其悖逆暴亂作惡猶犯令者為一書其
札喪凶荒厄貧為一書其康樂和親安平
為一書凡此五物者每國辨異之以及命
于王以周知天下之故

司儀掌九儀之賓客擯相之禮以啓儀容
辨令揖讓之節將合諸侯則令為壇三成
宮旁一門詔王儀南鄉見諸侯士揖庶姓
時揖異姓天揖同姓及其擯之各以其禮
公於上等侯伯於中等子男於下等其將
幣亦如之其禮亦如之王燕則諸侯毛
凡諸侯相為賓主國五積三問皆三辭拜
受皆旅擯再勞三辭三揖登拜受拜送主

君郊勞交擯三辭車逆拜辱三揖三辭拜
受車送三還再拜致館亦如之致殮如致
積之禮及將幣交擯三辭車逆拜辱賓車
進答拜三揖三讓每門止一相及廟唯上
相入賓三揖三讓登再拜受幣賓拜送幣
每事如初賓亦如之及出車送三請三進
再拜賓三還三辭告辟致饗餼還圭饗食
致贈郊送皆如將幣之儀賓之拜禮拜饗

餼拜饗食賓繼主君皆如主國之禮諸侯
 諸伯諸子諸男之相為賓也各以其禮相
 待也如諸侯之儀
 諸公之臣相為國客則三積皆三辭拜受
 及大夫郊勞旅擯三辭拜辱三讓登聽命
 下拜登受賓使者如初之儀及退拜送致
 館如初之儀及將幣旅擯三辭拜逆客辟
 三揖每門止一相及廟唯君相入三讓客

登拜客三辟授幣下出每事如初之儀及
 禮私尚私獻皆再拜替首君答拜出及中
 門之外問君客再拜對君拜客辟而對君
 問大夫客對君勞客客再拜替首君答拜
 客趨辟致饗餼如勞之禮饗食還圭如
 幣之儀君館客客避介受命遂送客從拜
 辱于朝明日客拜禮賜遂行如入之積凡
 侯伯子男之臣以其國之爵相為客而相

禮其儀亦如之

凡四方之賓客禮儀辭命餼宰賜獻以二
等從其爵而上下之凡賓客送逆同禮凡
諸侯之交各稱其邦而為之幣以其幣為
之禮凡行人之儀不朝不夕不正其主面
亦不背客

行夫掌邦國傳遽之小事微患而無禮者
凡其使也必以旌節雖道有難而不時必

達居於其國則掌行人之勞辱事焉使則
介之

環人掌送逆邦國之通賓客以路節達諸
四方舍則授館令聚橐有任器則令環之
凡門關無幾送逆及疆

象胥掌蠻夷閩貉戎狄之同使掌傳王之
言而諭說焉以和親之若以時入賓則協
其禮與其辭言傳之凡其出入送逆之禮

節幣帛辭令而賓相之凡國之大喪詔相
 國客之禮義而正其位凡軍旅會同受國
 客幣而賓禮之凡作事王之大事諸侯次
 事卿次事大夫次事上士下事庶子
 掌客掌四方賓客之牢禮餼獻飲食之等
 數與其政治王合諸侯而饗禮則具十有
 二牢庶具百物備諸侯長十有再獻王巡
 守殷國則國君膳以牲犢合百官百姓皆

具從者三公眠上公之禮卿視侯伯之禮
 大夫眠子男之禮士眠諸侯之卿禮庶子
 壹眠其大夫之禮

凡諸侯之禮上公五積皆眠餐奉三問皆
 脩羣介行人宰史皆有牢餐五牢食四牢
 簋十豆四十鈔四十有二壺四十鼎簋十
 有二腥三十有六皆陳饗餼九牢其死牢
 如餐之陳奉四牢米百有二十皆醢醢百

有二十壘車皆陳車米眠生牢牢十車車
乘有五簋車禾眠死牢牢十車車三秬芻
薪倍禾皆陳乘禽日九十雙殷膳大牢以
及歸三饗三食三燕若弗酌則以幣致之
凡介行人宰史皆有饗饗餼以其爵等為
之牢禮之陳數唯上介有禽獸夫人致禮
八壺八豆八籩膳大牢致饗大牢食大牢
卿皆見以羔膳大牢

侯伯四積皆眠餐牽再問皆脩餐四牢食
三十有二簋八豆三十有二鉶二十有八
壺三十有二鼎簋十有二腥二十有七皆
陳饗餼七牢其死牢如餐之陳牽三牢米
百首醢醢百壘皆陳米三十車禾四十車
芻薪倍禾皆陳乘禽日七十雙殷膳大牢
三饗再食再燕凡介行人宰史皆有饗饗
餼以其爵等為之禮唯上介有禽獸夫人

致禮八壺八豆八籩膳六牢致饗六牢卿
皆見以羔膳特牛
子舅三積皆眡餐牽壹問以脩餐三牢食
二十有四簋六豆二十有四釧十有八壺
二十有四鼎簋十有二牲十有八皆陳饗
籩五牢其死牢如餐之陳牽二牢米八十
筥醢醢八十壘皆陳米二十車禾三十車
芻薪倍禾皆陳乘禽日五十雙壹饗壹食

壹燕凡介行人宰史皆有饗饗籩以其爵
等為之禮唯上介有禽獻夫人致禮六壺
六豆六籩膳眡致饗親見卿皆膳特牛
凡諸侯之卿大夫士為國客則如其介之
禮以待之凡禮賓客國新殺禮凶荒殺禮
札喪殺禮禍裁殺禮在野在外殺禮凡賓
客死致禮以喪用賓客有喪唯芻稍之受
遭主國之喪不受饗食受牲禮

掌訝掌邦國之等籍以待賓客若將有國
 賓客至則戒官修委積與士逆賓于疆為
 前驅而入及宿則令聚橐及委則致積至
 于國賓入館次于舍門外待事于客及將
 幣為前驅至于朝詔其位入復及退亦如
 之凡賓客之治令訝訝治之凡從者出則
 使人道之及歸送亦如之凡賓客諸侯有
 卿訝卿有大夫訝大夫有士訝士皆有訝

凡訝者賓客至而往詔相其事而掌其治
 令訝掌其節與幣巡邦國之諸侯及萬民
 之所聚者道王之德意志慮使咸知王之
 好惡辟行之使和諸侯之好達萬民之說
 掌邦國之通事而結其交好以諭九稅之
 利九禮之親九牧之維九禁之難九戎之
 威

掌察闕

掌貨賄闕

朝大夫掌都家之國治日朝以聽國事好以告其君長國有政令則令其朝大夫凡都家之治於國者必因其朝大夫然後聽之唯大事不用凡都家之治有不及者則誅其朝大夫在軍旅則誅其有司都則闕

都士闕

家士闕

